



ATASSUT INATSIARTUNI

ATASSUT

UKA 2013/17-1

Gerhardt Petersen

01.10.2013

Uunga siunnersuut: Meeqqanut inatsisip Kalaallit Nunaanni meeqqat inatsisitigut inissisimanerat pillugu inatsit nr. 197, 16. juuni 1962-imeersoq naapertorlugu allannguutissap atuutilernissaanut aalajangiiffigisassatut siunnersuut kiisalu inatsit nr. 154, 27. maaji 1964-imeersoq Kalaallit Nunaanni kingornussisarnermut tunngasoq pillugu Inatsisartunut aalajangiiffigisassatut siunnersuut.

(Naalackersuisut Siulittaasuat aamma Nunanut allanut tunngasunut Naalackersuisoq)

Nunatsinni naatsorsueqqissaartarfiup kisitsisaatai nutaanerpaat naapertorlugit nunatsinni innuttaasut 56.370-iniit innuttaasut 1963 sioqqullugu nunatsinni inunngorsimasut ullumikkullu inuusut 13.524-upput, matumani toqukkut qimagutereersimasut ilanngutinngilagut.

Taakkunanga qassit inatsisitigut ataataqaratik peroriartorsimanersut eqqoriaruminaakkaluarpoq, kisianni soorlu qularutissaanngitsoq taakkunanga arlalissuusimassasut ataatamik kinaaneranik paasinninnissaminnut periarfissaqartitaasimannngitsut.

Qularnanngilaq inuit pineqartut akornanni ikigisassaannngitsut meeraanerminni uersakkatut, immikkoortitaasutut ajattugaasarsimanertik anniaatigisarsimassagaat, allaallumi anaanaat oqaatsinik annernartunik perorsaaniarnerannut iluaqutaanngitsunik tusartinneqartarsimanerat anaanaasut qitornaasalu aqqusaagaasa inuttut anniaataasut sakkortuut ilagisimassavaat.

Tassa meeqqat pineqartut taakkulu anaanaat inatsitigut immikkoortitaaginnarsimannngillat aammali innuttaaqatigisamik akoranni isiginerlugaallutik allaat inuusariaqarsimasut arlaqartut ATASSUT-mit qularinngilarput, taamaammat pissusissamisuginnarpoq pineqartut eqqortumik naapertuilluartumillu taakkulu naammagisinnaasaannik alloriartoqarpat.



ATASSUT INATSIARTUNI

Taamaammat inatsisitigut ataataqaratik peroriartortariaqarsimasut inuunerminni amigaateqarlutik aammalu inuiaqatigiinnit immikkoortitaallutik inuutitaasimanerat akuersaarneqarsinnaanngitsoq matumani iluarsiiviginiarneqarmat ATASSUT-mit naammagisimaarissinnaagaluarpugut.

Naammagisimaarinninngilagulli, tassami inatsit nr. 197, 16. juni 1963-meersup allanngortinneqarneratigut inatsisitigut ataataqartitaasimanngitsut ataartik kinaanersoq paasereersimanngikkunukku inatsisip allanngortinneqarneratigut paasiniarsinnaalissavaat, taanna pissusissamisoortoq ATASSUT-mit naliliivugut.

Inatsisilli allanngortinniarneqartup aappaa, tassalu inatsit nr. 154, 27. maj 1964-meersoq, Kalaallit Nunaanni kingornussisarnermut tunngasoq ATASSUT-mit naammagisimaanngilarput.

ATASSUT-mit isumaqarpugut meeqqat, ullumikkut inersimasunngorsimasut, pineqartut ataaminnik ilisimanninnissaminnut pisinnaatitaaffeqanngitsitaasimanerat pillugu akisussaaffimmik inissiisoqartariaqartoq, eqqunngitsuliortoqarsimasorlu nassuertoqartariaqartoq.

Taamaammat inatsisisigut ataataqartitaasimanngitsut ataataat toqukku qimagutereersimappata kingornussisinnaanissaminnik periarfissaajagaasimanerat akuersaaginnarnagu ATASSUT-mit Naalackersuisut kaammattussavagut sulissutigeqqullugu Naalagaaffiup pisussaaffigisassaanik naapertuuttumik taamatut nalaataqarsimasut taarsiivigineqarsinnaanissaat Danskit Naalackersuisuinut isumaqatigiinniutigeqqullugu, tamanna pissusissamisuuginnassammat.

Pinngitsooratimmi ullumikkut inuusutut inatsisitigullu ataataqartitaanngitsut minnerpaamik inuttut naleqassusiat aammalu inuunerminni piumassuserinngisaminnik annertuumik pisinnaatitaaffigisassaralumikkut arsaagaasimanerat iluarsiniassallugu inatsisinik pineqartunik atuutsisisimasut akisussaaffimmik tiguisariaqartut ATASSUT-mit isumaqarluinnarpugut.

ATASSUT-mit pinngitsoorusunngilagut inatsisitigut ataataqanngitsut nuna tamakkerlugu peqatigiiffiannut qujassuteqassalluta, ilissimi tamaviaarnerse pissutaqaataalluinnarluni ullumikkut



ATASSUT INATSIARTUNI

killiffigaarput inuppassuit pisinnaatitaaffeqartitaasimanngitsut inatsisitigut allatulli
pisinnaatitaaffeqalernissaat qulakkeerneqaleraluttuarpoq.

ATASSUT-mit taamatut naatsunnguamik oqaaseqaateqarluta kaammattuutigissavarput siunnersuut
aappassaaneerneqartinnagu matumani piumasaqaatigut ilanngullugit allannguutissatut
siunnersuummik Naalagaaffimmut apuussassamik saqqummiussisoqarnissaa siunertaralugu
Inatsisartut Inatsiseqarnermut Ataatsimiititaliaannut suliassanngortinneqassasoq.